

أحمد المشد

# أنا إنسان

أشعار

صدرت الطبعة الأولى في سبتمبر 2019

## بطاقة الكتاب

عنوان المؤلف	أنا إنسان
المؤلف	أحمد المشد
التصنيف	أشعار
رقم الإيداع	17572 - 2019
رقم الإصدار الداخلي	499 الطبعة الاولى سبتمبر 2019
عدد الصفحات	50 صفحة
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأى دار نشر طبع ونشر وتوزيع الكتاب أو ترجمته أو الاقتباس منه أو نشره على النت الا بموافقة كتابية وموثقة من المؤلف

### مؤسسة النيل والفرات للطبع والنشر والتوزيع

**ثورة مصرية تشرق إبداعاً على الوطن العربي**

رئيس مجلس الإدارة

**ناجى عبد المنعم**



مؤسسة  
**النيل والفرات**  
للطبع والنشر والتوزيع  
أسسها الناشر ناجى عبد المنعم  
حلم 2017

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572  
 عضو عامل باتحاد الناشرين المصريين رقم 941 لسنة 2018  
 هاتف: 01011256943 - 01116202218 - 01202541192 تليفاكس: 020554372901  
 البريد الإلكتروني: [nagyegy200064@gmail.com](mailto:nagyegy200064@gmail.com) [alnilwaalfourat@gmail.com](mailto:alnilwaalfourat@gmail.com)  
 الفهرست الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ 13 - مقار 304

## مات الولد

مات الولد والكل هلل قال شهيد  
مات الولد مع ان أمه دعيتله بالعمر المديد  
مات الولد وسابها هتعيش ميتة  
دم الولد كان العيدية لأقسى عيد

.....

كانت تصلى الفجر تدعيه بسعادة  
وتقول يارب احميه يكون عمره بزيادة  
كانت بتتمناه تبوسه وتحضنه  
والعيد يكون فرحة .. وفرح العيد عبادة

.....

رن الموبايل قلبها رفر ف عليه  
ابنى حبيبي بيتصل ... ربي يراضيه  
وعيديته هتبقى صوت اللى اسمعه  
يكفينى اسمع صوته واطمن عليه

.....

طلع اللى عالتليفون غريب وما تعرفوش

وجاي يصبرها قالتله بصرخة لا .. ما هصدقوش  
اندهلى ابنى ضنايا وهعيد عليه  
اوعاك تقولى انى عيني هتتحرم وما هتشفوش

.....  
كنتوا فين وابنى بيتكاتروا عليه  
ابنى راجل مات مع سلاحه فى ايديه  
لا ابنى عايش جوة قلبى  
بين ضلوعى مد ايده لقلبي وبطبطب عليه

.....  
عمرى ما اغضب ربي ما ارضاش بالنصيب  
بس قولى ان ابنى عايش واللى مات واحد غريب  
قوله امك عاوزة تسمع صوتك اصحى يا واد وفوق  
عمره ما يزعلنى ولا يعصانى .. نور عيني الحبيب

.....  
ابنى فين ... قلى فين الطلقة صابت  
وابنى امتى وفين وليه ... شمسه غابت  
ابنى عاش كام دقيقة يتوجع ؟؟؟؟  
ابن قلبي ذنبه ايه .... اهته طارحة ف قلبي فدان مالاها  
ويادوبه نابت

قُلتوا مات ..... طب أمين  
هم فين ..... هم مين ؟  
ربنا يحرق قلوبهم ... زي حرقه قلبي انا  
يتكوا بنارى سنين .... تطرح أنين

.....  
قُلتوا مات ..... طب وماله  
كنت بحلم اشيل عياله  
ابنى جالك راضيه عنه  
ارزقه الجنة يا رب وحليها له

.....  
واللى صابه حسابه عندك  
سايبهولك راضيه حكمك  
ابنى يا ما غيروا سبقوا  
حقهم محفوظ بعدلك

.....  
بس قلبي ناره قايدة يارب سامح ضعف أم  
نار بتكوى بين ضلوعها .. والدموع مالمقلب ... دم  
راضية وابنى يارب ما هيغلاش عليك  
نفسى أصحى ..... يكون كابوس ما يكونش علم .

## زهايمر

وانا بفتكر عمرى اللى فات  
جرت السنين زى الساعات  
امتى انحنى عوده الفتى  
امتى ابتدى ينسى الحاجات

.....

امتى ابتدى وامتى انتهى  
كان عمره كام كده وقتها  
لما نسى ايه اسمها  
واما ابتدى يعيش ذكريات

.....

فتح عينيه حواليه بشر متجمعين  
شايف وشوش بس مش فاكّر لمين  
بيضحكوا ويتكلموا ويتندموا ...

الناس دى ليه متلخبطين  
وانا عندي بكره الامتحان  
من فضلكم حبة سكات

.....

انا مش مذاكر

هعمل ايه فى الامتحان  
ومرايتى ليه متغيرة  
ومغيرة شكلى اللى كان  
وفين سريرى وفين دولابى ...  
ومين ناقلنى لدا المكان  
اتلخبطت كل الحروف ....  
غرقان فى بحر من السبات

# يارب

يارب ارزقنا رضوانك  
نعيش راضيين  
يارب اغنينا من فضلك  
ولا لغيرك نكون مساكين  
يارب اكتب لنا من الخير  
يفيض بين السما والأرض  
يارب اكتبنا من السعداء .  
من الصالحين

.....

يارب ارزقنا في الدنيا  
من الخيرات عجائبها  
يارب ارزقنا في الجنة  
من الدرجات أعاجيبها  
يارب اكفينا كل الشر .. كل الضر  
ولا عينينا تشوف ساعة ماتعجبها

.....



يارب يا مالك الملكوت ..  
خزائلك مالها حد ووصف  
يارب سألتك الجنة ...  
واكون واقف فى اول صف  
انا العبد اللى معاصية  
على اکتافى بوزن جبال  
لکنى يارب بلجأک  
عشان تنظرلى رحمة ولطف

.....

يارب ارزقنا قلب سليم  
يارب اجعل صراطنا قويم  
يارب ارزقنا عين تبكى وضمير يخشاك  
يارب اكفيننا شر عذاب قليله أليم

.....

يارب اکتبلنا الجنة وصحبة الحبيب تسعد  
يارب عملنا مايکفیش وخايفين عنها نبعد  
يارب انت الرحيم بينا زيادة لکونک الرحمن  
يارب تضاعف الحسنات لحد ما تکفى وتسدد

# القشة يمسكها الغريق

القشة يمسكها الغريق  
الحب دا نبض الحياه  
لو غاب تموت فينا الحياه  
الحب رحمه من الاله  
مزروعه ف قلوب البشر

.....

الحب جوه الضلمه نور  
وما يتحجبش بألف سور  
للحب وسط النار حضور  
بيموت معاه طعم الخطر

.....

الحب علمني الكلام جوه السكوت  
الحب خلى النظره تنطق ألف صوت  
الحب مش ممكن يموت  
وحكمه نافذ لو صدر

.....

الحب للقلب البرئ

القشّه يمسكها الغريق  
الحب نورلي الطريق  
الحب منقوش بالقدر

# أوهام وأحلام

ما بين أوهام وبين أحلام وبين رؤية  
بنربط نفسنا ف ساقية  
توصلنا لبلاد نائية  
بنوصل.... بس من غير روح

.....  
ندور ونلف ونعافر  
نخاف مالجوع عشان كافر  
نقع 100 مرة ونكابر  
ندارى عمرنا المدبوح

.....  
وننسى امتى وليه وازاى  
سمعنا الناصح الفتاى  
وشايفين اللى رايح جاى  
وبنداوى الجروح بجروح

.....  
كلام تايه لناس مساطيل

سطلها شقاها.. وهدة حيل  
تغمض عينها طول الليل  
لكن صاحبة تفكر بكرة فين هتروح

.....

وناس عايشة تقول وتعيد  
وفوق حمل الغلابة تزيد  
قلوب جاحدة وفكر عبيد  
وريحة جهلهم بين الحروف بتفوح

## ألف حساب

اعمل لنطق الكلمة ألف حساب  
أول ما تطلع متسجلة في الكتاب  
يا تقولها خير تاخذ عليها الأجر  
يا اما سلسلها واقفل عليها الباب

.....

وقت الحساب مالکش فيه مهرب  
تطلع عليك شمسك محل ما بتغرب  
تكشف خبايا النفس وتعريك  
وكثر ما اتكلمت ساعة الحساب تصعب

.....

خلي وراك كلمة الخير اللي راح تنفع  
لعلها ساعة الحساب تشفع  
مليان ذنوب والذنوب حملها  
تقل كتافك راح تقع لما تررع

.....

انطق كلام الحق مهما كان السبب

وواعاك في يوم يشغلك مين اللى فيهم غلب  
الزم صراط الحق وموت عليه ساجد  
لرب يوم المظالم بيرجع اللى اتسلب

.....  
الكلمة لما تحسها سهلة بتقولها  
ويعجبك طعمها تتباهى بجمالها  
لو غيرت قلب حد من عباد الله  
يوم الحساب تبرك مع حمولها

.....  
ايدك على زناد اللسان حاسب  
الطلقة لو صابت مظلوم هتحاسب  
واذا وقعت عابد واذا ضيعت زاهد  
على كل مصايبيهم انت اللى هتحاسب

.....  
او عاك تغرك دنيته وتزيد  
وتقول كلام ولا عمره حد يفيد  
تقل ميزانك باللى راح ينفع  
يشفع في يوم هيكون حسابه شديد

.....  
الكلام ده لنفسى أنا قاعد بقوله

لو يفيدك جوه قلبك زى شيله  
وان اذاك حقه على بخاف عليك  
بس يوم الحق راح ينفع قليله



# العلم نور

العلم نور ... والنور بيقطع كل يوم  
بذرة غرور ... نبتة فشل ... طرحة هموم  
الفلسفة سهلة ولذيذة ومنعشة  
دامت لمين قبلك عشان معاك تدوم  
كتر الكلام والمعنى غاب  
قالوا من العنوان بيتفهم الكتاب  
كتبوا عليه قصة نجاح  
ونجاح طلع طالب وخاب  
حريفة فى فن الخداع والغش  
بيحطوا فوق الوش مليون وش  
كل اما تفرح ... بس انا اللى فهمتها  
تتلخبط الصورة وصوتها يوش  
اليأس مش طبعى ... لكن طبعتها  
وبعد لمتنا بقيت واقف بطولى  
انا كنت فاكر نفسى فاهم طبعم  
اتارينى بس بشوف اللى انتوا قولتوا توروهولى

كل الكلام ده ما لو ش علاقة بالسياسة  
الفهم بس يا صحبى محتاج للحساسة  
نلحق نقول أى حاجة والسلام  
يمكن يكون بكرة على الافكار حراسة  
حبة هبل حبة خيال على هرتلة  
متعقدة ومش لاقى حل المسألة  
طلع الى حائط الامتحان من غير كسوف  
لاف سيجارتين بانجو سطلوا الاسئلة

# محتاجين

محتاجين ومحتاجين ومحتاجين  
محتاجين ناس طيبين  
قلوبهم عالقلب رحمة  
ناس يكون لها وش واحد مش متين

.....  
ناس بتفهم يعنى ايه الدنيا فانية  
وانها ثانية بتخلص بعد ثانية  
وان غيرهم زيههم وقلبه بيتوجع  
وانه بفرح بس لو فيه نظرة حانية

.....  
ناس بتفهم يعنى ايه عشرة سنين  
ناس بتزرع حب حتى ولو فى طين  
يوم هيحي وطرحته هتخضره  
والجعان للرحمة يشبعله يومين

# أنا انسان

أنا انسان ..  
بحس وبتوجع زيك وبتألم  
أنا انسان ..  
صحيح بغلط لكنى حقيقى بتعلم  
أنا انسان ..  
ودمى بيجرى فى عروقى  
وقلبى بيتخلع مالمخوف  
أنا وانت هنتحاسب  
وراح نسكت وجوارحنا اللى تتكلم  
بلاش تحكم على ضميرى وعالنية  
أنا أصلى بحب الخير  
ونفسى فى عيشة مرضية  
بقول رأى ساعات  
وانسى انك انتى يا صحبى مستنى  
أقول رأى عشان ترسمنى  
فى دماغك بمليون صورة وهمية

أنا عضامى بتتكسر كما عضامك  
وأحلامى بتدبحها بقسوة كل أوهامك  
أنا أمدى بتتسند على ضعفى فتسندنى  
ما بوجعنىش رصاصك  
أد ما وجعنى رضاك بوقعها قدامك  
أنا إنسان ...  
بخاف مالموت  
لكنى بموت إذا قالو علىا جبان  
أنا ما اختارتش  
انى أكون فى أى مكان  
أنا واقف عشان أحميها ...  
لقيتها واقفه تحمينى  
بتزرع قوة جوايا  
تقوينى ان اكون إنسان  
أنا واقف ومستنيك  
ومش خايف ومش مرعوش  
وصوت أمدى برن الوقتى فى ودانى  
... ما تنسحبوش  
تجلى واظفك الجنة  
واتباهى واقول عايش يقولوا عاش

ولا تجينى على رجلك  
معاك خيبتك وخيبة أملى  
فى ادية اللى ما بربوش  
أنا واقف على أرضى  
ومستنى ومش ههرب  
وكل ما تغدروا بيه ....  
هزید واغضب  
وكل ما تقتلوا فيه هعيش وارجع  
واكون أقوى ... ما انا انسان  
وكل ما يختلف اسمى  
وكل ما يختلف لونى ....  
بكون أصلب

## الكلام

الكلام اسهل مافيه انه كلام  
أى حد بقوله من غير اهتمام  
سفرته مليانة خير  
والغلاية يقولهم شدوا الحزام

.....

البلد دي بلدكم انتو خلاص امنا  
والغلاية عايشة فيها منكو منه  
بس خليه يعيشوا بلاش غباوة  
ليه تخلوها جهنم . هم مش طالبينها جنه

.....

اللى بحلم بس فيها يعدي يومه  
راضى بقليله ولاقى مكان لنومه  
فرحته بلقمة حلال أكبر كتير  
من فرحكم لما بيعتوه هدمومه

.....

فلسفة فارغة لناس ولا عمرها حست بجوع  
قد ما كبرت كروشها حبوا احساس الخضوع  
فلسفة فارغة على حساب الجوعه  
الى عايشين فيها أسرى للعوز... فى بير خنوع

.....

رأيك انت الشخصى ... رأيي تخلي هولك  
انت واقف فى السما لواحدك بطولك  
والغلاية تحت رجلك مش شايفهم  
بص تحت شوية وانت بتفصل حلوك.



## او عاك تفكر

او عاك تفكر ان ظلم الناس شطارة  
وانك مفتاح فهلوى والناس حيارى  
خليك فى نفسك وافتكر رب العباد  
قادر يخلى رؤيتك زى السكارى  
واو عاك تعيش دور اللى فاهم كل حاجة  
وانك حويط وانك زكى وأصلك خواجه  
كل اللى فاكر انه مش فاهمك يجوز  
انت اللى مش فاهمة وملياك السذاجة  
واو عاك تفكر ان سيرة الناس تسالى  
وان انت فوق الناس وساكن برج على...  
وان انت سيرتك فى الحياة متحصنة  
دا دين عليك هترده ... خاف دا ارد غالى  
خليك فى حالك ... سيب عباد الله فى حالها  
وصفى قلبك من عيوب الناس بحالها  
داوى عيوبك أو داريها وافتكر  
انك كتاب مفتوح لناس ربك سترها  
انا بقصدك وبكلمك .... افهم بقى

ما تعيش زى الدودة جوة الشرنقة  
دا الرزق مقسوم ... مين يغير قسمته  
مين فينا نفسه يقضى عيشته بالشقى  
ارضى بنصيبك دا الحياة هتمر بيك  
ومهما طالت قصرها باين عليك  
واحسب فى عمرك كام سنة قضيتها نوم  
هتلاقى تلت العمر بتغمض عينيك  
مر الحياة يا صحبى يحلى بالرضى  
وأحلى ما فى الدنيا بيضيع بالعدى  
العمر يوم هيمر بينا وينتهى  
ولا حد فاكّر هو من امتى ابتدى

## محكمة

اترجت الجدران  
بصوت الحاجب العالي  
وكل الناس قوام  
وقفت ودخل القاضي متعالي  
وكل الناس قوام  
قعدت وأنا جوه القفص واقف  
وبأكي وحدي على حالي  
وبدأت .... النيايه تقول كلام مسموم  
ما يمفعشي معاه لا برئ ولا مظلوم  
وقاملي محامي يتكلم ما وكتوش  
وقال في كلام كثير جداً وما فهمتوش  
وقبل ما يصدر الحكم اللي ما عرفتوش  
صرخت بصوت خفيض مرعوش  
وقلت يا حضرة القاضي  
أنا بحكمك هكون راضي  
لكن سيبنني أقول كلمه

لكل الناس هنا قصادي  
أنا اللي بإيدي قاتل دنيتي وناسي  
أنا اللي بإيدي نازع عقلي من راسي  
أنا اللي حرقت قلبي جوه فضلو عي  
وعشت وحدي أتكوي وآقاسي  
أنا اللي الشر واقف يفتخر بيه  
ورافع إيده بتحيه .  
ويحلف إنه عمره ما شاف  
في دنيتنا مثيل ليه.  
راح أبدأ مالبدايه واقول  
سامحني لو كلامي يطول  
لكن نفسي أحزهم  
ونفسي كل همي يزول  
بدأت حياتي.....  
وانا موظف حكومه ضعيف  
صرخت بكل قوه وقلت إني شريف  
ما ليش في الغش ولا في الظلم  
وانا ف كل الشرور حريف  
سرقت كتير بحجة بيتي واولادي  
وظلم الناس دا كان عادي

وكنـت بقول لنفسي كـثير  
ومين جبهم هنا قصادي  
غريبه بجد إني كبرت في مكاني  
لـقيت كل الأيادي الظالمه سنداني  
لـقيت الدنيا فتحالي خزاينها  
بتديني وتاخذ مني إنساني  
و انا نسيت ان كان جوايا فيه إنسان  
وعشت بقلب سـكنه يجي ألف شيطان  
سـجنت الرحمه والمبدأ  
وعشت العمر انا السجان  
وبعد سنين كثير عدت  
وبعد ما عفيتي اتهدت  
لـقيت إبني شرب مني  
جزور الشر فيه مدت  
ويا ما فرحت إنه ف عز كان بكبر  
وخذ طبعي وداس ع الحق واتكبر  
وبقى أستاذ وأول ظلمه كان ليه  
وفكرني بظلمي لابويا بس اكثر  
رمانـي وكل شئ ملكي اتسرق مني  
وقالي بكل جبروته تموت وحدك بعيد عني

غريبه كنت قدامه  
بموت ماالجوع وبتألم  
ماكنش بيفتكر يبعد شويه قسوته عني  
لكن مع كل شئ منه  
بقلب الأب خفت عليه  
لقيته ف سكتي ماشي  
وظلم الخلق بقى يرضيه  
نصحته وقتله يا ابني  
يا خوفى عليك  
شيطانه بحق كان سابق  
قفل ودنه وغمى عليه  
وبعد ما عدت الأيام  
وزاد ف الظلم  
وعدى خط رسمينهوله أهل الظلم  
وبعد ما كانوا سدينه بقوتهم  
صبح هو في كفه قصاها سمعتهم  
وكالعاده قرارهم كان بكل هدوء  
يموت هو وتفضل عاليه كلمتهم  
وجالى ف يوم يقولي  
يا ابويه حوش عني

أنا ابنك وعمرى هيتسرق منى  
وبعد الظلم دا كله  
لقيته بيترمى ف حضنى  
وبمشى بإيدى على ضهره  
لقيتها بدمه غرقانه  
رصاصه غادره جت منهم  
بظلم قلوبنا شبعانه  
صرخت بكل قوه لأ.....

ومين يسمع  
ودنيتنا ليوم نهايتنا عطشانه  
صرخت بأعلى صوت ليه  
فى حضنى لأ  
أنا عارف بإنى ظلمت....  
ومستنى أرد الحق  
لكنى عمرى ما استنيت يكون دا الرد  
ياريت كان صدرى انا ينشق  
ف حضنى لأ  
ف حضنى لأ  
ف حضنى لأ

.....

.....  
وفقت من غيبوبه  
وقعنى الذهول فيها  
لقيت واحد بيسألني دوافع قتلك احكيها  
ومن لحظتها راح صوتى وما اتكلمت  
ما فيش لجراحي أي كلام يداويها

.....  
سامحني يا حضرة القاضى  
إذا طولت  
أنا مع إنى مش قاتل ...  
لكنى قتلت  
قتلته لما أكلته الحرام أصناف  
وبعد ما فات أوان ندمى  
حقيقي ندمت  
ياريتنى بالسنين أرجع  
واعيد حساباتي من ثاني  
وأكل أهل بيتي حلال  
وارد الشر لو جاني  
ويبقى أحب على قلبي  
أكون مجنى عليه



ولا إني أكون جاني

.....  
وقبل ما ينطق القاضي  
بحكمه الحكم كان مقضى  
ولو كان حكمكم ظالم  
أنا بحكم الاله مرضى  
وصدر الحكم على ميت  
ومين بعد الاله يقضى

# ومين قالك

ومين قالك تعيش وحدك  
تموت وحدك  
ولما الفرح بيحبك  
يروح منك عشان وحدك

\*\*\*\*\*

ومين قالك تعيش إنسان بلا غاية  
لا له بداية ولا نهاية  
مالوش جوه الحياه حكاية  
فتحكيها الحياه بعدك

\*\*\*\*\*

ومين قالك تعيش مطفية أحلامك  
وعايش بس بتعدى فى أيامك  
ومش بتحس مين حبك ومين خالك  
ومين ودك ومين صدك

\*\*\*\*\*

ومين غشك  
وكان بضحك كده فى وشك  
وكان بحرق عليك عشك  
وجوه الضلمة بيشدك

\*\*\*\*\*

يا صاحبي دى الحياه ساعة وهتعدى  
ونفسك زي صلب الدنيا بتصدى  
وعمرك قطر لا بأخر ولا بهدى  
فما تخليش قساوة الدنيا دى تهدك

\*\*\*\*\*

وعيش كما نخلة ثابتة  
بين حشايا الأرض  
وفوق الأرض سارحة  
للسما وبالعرض  
بتطرح للعباد خيرها ...  
وخيرها عليها أصبح فرض  
ومهما الريح بتقوى عليك ما بتهزك

# كل شئ أصبح هلامى

كل شئ أصبح هلامى  
واختفت منه الأسامى  
كل شئ له أصل سامى  
انهارده ما بيساويش  
واللى فاكّر نفسه فاهم  
واللى قال على نفسه عالم  
ضيعوا كل المعالم  
قالوا فيه وطلع مافيش  
أي حاجة ليه قيمة  
كلها أوهام قديمة  
كل أفكارهم سليمة  
مكلفة قرشين حشيش

## يلا نبداً

يلا نبداً ... على صوتك  
سمع العالم .... خفوتك  
والمهم يكون ريموتك  
قلب القنوات

.....

اوعى تنسى تشوف اراء الناس بحالها  
واستفيد من كل واحد ابتدى قبلك وقالها  
كلمتين سهلين لناس شغال خيالها  
بعدها فيضان سكات

.....

يالا نصرخ يالانغضب يالا نهتف  
شوفت ..... مفاصلهم بترجف  
نظرتك صبحت تخوف  
عيش يا وحش ... جوة احساسنا اللى مات

.....

عيش فى وهمك وافتكّر رأيك مهم  
وافتكّر غضبك بسم  
على صوتك زيد همومنا علينا هم  
نفتكر مر اللى فات

.....

يوم ف يوم بتقل هيبتك  
يوم فيوم بيشوفوا خيبتك  
الصراخ بيزيد ف عيبك  
والمروعة ذكريات

.....

احنا العرب المسلمين  
بايدنا بايتين مدبوحين  
بيزيدوا هم البلة طين  
مطمنين .. واحنا اللى نصحى فيه نبات

.....

اذا كنا بندبح فى بعض  
ومقضيئها سباب وعض  
وحالنا بينا صبح يخض  
سوسهم بينخر عضمنا واحنا ف سبات

.....

الأقصى بصرخ  
من زمان ما سمعنهوش  
حكامنا لاهياها العروش  
وعينينا صبحت ما تشوفوش  
ثورة غضبنا عمرها ديما ساعات

.....

لكن مع غض النظر يا ترامب  
عدى المزاح وهيبقى وقتك صعب  
فيه ريح عتية أكيد ف يوم هتهب  
هتهز أركائك ... يصير ملكك رفات

.....

فيه ناس قلوبها عامرة بالايمان  
متشعلقة فى عدالة الرحمن  
بكرة الوجع هيجيك ف كل مكان  
وتصيب فى ملكك دعوة ما الدعوات

## هو انتو جنس ابوكوا ايه

هو انتو جنس ابوكوا ايه .....  
اللى ف عروقوا بيجرى .... سم  
اللى ف عقولكم نار بتحرق أى حلم  
أقسى ما هيقولوا البشر ما بيكفى دم  
الدم كله حرام ... ودا مش أى دم  
هو انتو جنس أبوكوا ايه  
حتى الحجر يصعب عليه ...  
دم الغلابة  
ولا حتى هيهون قتلهم بين الديابة  
خليتوا دنيتنا لعينة  
نتمنى حتى تبقى غابة  
أرحم أكيد من دنيا فيه  
صنف مش مفهوم دا ايه  
هو انتو جنس أبوكوا ايه  
لا انتم بشر  
ولا حتى شكل الحيوانات



ولا ليكو وصف  
ملعون أبو الجدر  
اللى بطرح من دا صنف  
ملعون أبوكوا بكل دمة  
أم محروقة عليه  
هو انتو جنس أبوكوا ايه  
وف أى ملة  
واى دين  
وبأى فكر  
والا انتو خدتوا  
غباوة العالم دا حكر  
على ناس بتسجد  
للى خلق الرحمة ... شكر  
ولا هزكم نظرة خشوع  
ظاهرة فى عينيه  
هو انتو جنس أبوكوا ايه  
يأجوج ومأجوج  
خرجوا لينا بظلمهم وبجهلهم  
مستطعمين لحم الغلابة  
اللى ضعفان عضمهم

ما هو مستحيل هتكونوا  
من غير نسلهم  
علشان عنيكوا تتعمى  
عن طفل ومربع ايديه  
هو انتو جنس ابوكوا ايه

.....

انا شايفه ماشى فى ايد أبوه  
فرحان أوى وبيزق أخوه  
بيمدوا فى الخطوة وعاوزين يلحقوه  
من قبل ما يكبر ... يقل الأجر ليه  
هو انتو جنس أبوكوا ايه

.....

صلوا خلاص الركعتين واتربعوا  
ارتاحوا بعد ما نهجوا لما اتسربعوا  
والشيخ يقول وهم خاشعين بسمعوا  
والقلب راضى والسكون حائل عليه  
هو انتو جنس ابوكوا ايه

.....

### الطلقة طالت

صدر اخوه ما بقاش يرد  
والأب شاله بيجرى بيه  
ومش مصدق انه جد  
قابلوه بنفس الطلقة ...  
ما بترحمش حد  
وهو بصرخ ...  
مالفزع طلعت عينيه  
هو انتوا جنس أبوكوا ايه

.....

رافعين سلاحكوا  
حتى فى وش الصبى وبتدبحوه  
بيموت ومش فاهم  
لا ايه ذنبه ولا ايه ذنب ابوه  
بيموت مكانه ودمه بلعنكم ...  
فى يوم راح تسمعوه  
بيشل أركانكوا  
وتتصرفوا بايديه  
هو انتوا جنس أبوكوا ايه

## دعونا نمر

فان الزجاجة ضاقت علينا  
وحرية القلب تصبو إلينا  
سنعبر عنقها هويناً هويناً  
ولله مرة .. دعونا نمر

.....

دعونا نعيش الحياة الكريمة  
نخلى الكره  
نخلى الألم  
نخلى الهزيمة  
نفارق تلك القلوب اللئيمة  
فما ضرنا بعدها أى ضر

.....

دعونا نكن لحظة أسوياء  
نقدر فضل الكرم والعطاء  
وأقسم بالذى رفع السماء  
سينبت فى القلب نبتة خير

.....  
دعونا نقف كالجبال الرواسي  
على الحق لا نخشى تلك الكراسي  
فتؤمن بالله كل الحواس  
نزلزل ظلما .. بغى واستقر

.....  
دعونا نسبح  
رب السماء  
بصوت جلى  
فيذهب عنا الوباء اللعين ..  
ويرزقنا اليوم قلبا سوي  
يحب الحياة  
ويلزم صراط الاله العلى  
فلله مرة ....  
دعونا من الأهواء نفر

# الدنيا

الدنيا ياما لونها بتغير  
وطعمها الحلو يجي يوم وبيمرر  
وكتير من الزرع اللى راح تزرعه  
ما بيتاكلش ولسه لونه اخضر

.....

مع ان الاخضر بيه عينيك ترتاح  
ووصف لصفو نيتنا ... وسع وبراح  
وهى دي الدنيا وأحوالها  
ما حدش فيها بيعيش عال دوام مرتاح

.....

سوى بالقرب من رب رحيم بينا  
إذا بيرضى . بيرضى كل شئ عنا ويرضينا  
إذا بيرضى . نشوف الدنيا شئ تافه  
ويكبر كل شئ بتحصله ايدنا

.....

فيا رب العباد سترك ورضوانك  
إذا بنغفل وإذا بننسى بنتظمن بغفرانك  
وإذا الدنيا بتسرقنا وتلهينا عن الطاعة  
قلوبنا المسلمة بتطمع فى إحسانك

.....

مافيش مهرب لنا منك سوى بابك  
أما بانك الرحمن لكن بيهزنا عذابك  
أما بانك الغفار وظننا فيك أكيد بالخير  
طمعنا فى رحمتك تهدينا ..  
نكون من ضمن أحبابك

.....

ومين يا رب نلجأله  
وبابه على الدوام مفتوح  
ومين يارب  
راح يسمع دعا المظلوم  
ويفرج كربة المجروح  
إذا بتغضب علينا احنا اللى عاصيينك  
لمين يا مالك الملك احنا بس نروح

.....

يا رب ارحمنا  
وارحم ضعف ذلتنا  
واكرمنا بالعفو الجميل  
منك اذا عشنا واذا متنا  
بنشهد أنك الواحد  
وان رسولك المصطفى  
وبنسبح بحمدك فى النهار والليل ...  
فى صحتنا وغفلتنا



## بطاقة الكتاب

2	بطاقة الكتاب
3	مات الولد
6	زهايمر
8	يارب
10	القشة يمسكها الغريق
12	أوهام وأحلام
14	ألف حساب
17	العلم نور
19	محتاجين
20	أنا إنسان
23	الكلام
25	إوعاك تفكر
27	محكمة
34	ومين قالك
36	كل شيء أصبح هلامي
37	ياللا نبداً
40	هوه انتوا جنس أبوكوا إيه
44	دعونا نمر
46	الدنيا
48	محتوى الكتاب